



**Magna Gloria Antiquæ & Novissimæ Domus
Schwarzacensis A Magno Sacerdotio Sive Vita & Res
Præclare Gestæ ... DD. Abbatum Celeberrimi &
Antiquissimi Monasterii O. S. B. in Münster-Schwartzach**

**Friedrich Karl <Bamberg, Bischof>
Wirceburgi, 1743**

Conradus I. Abbas XXX.

[urn:nbn:de:hbz:466:1-64362](#)

norma neque in vietu neque in vestitu discedere debere præcepit; pari pietate duas singulis annis ad locum hunc Processiones, ut dicimus, nostro ex Monasterio, alteram pridie Annuntiatæ, in Vigilia Assumptæ Virginis alteram duci mandavit. Monasterium Curæ suæ commissum habuit annis 5, anno 1339. viam universæ carnis ingressus.

CONRADUS I. ABBAS XXX.

Quod in publica re accidere sæpe videmus, Cives, nullis hostibus urbium tranquillitatem perturbantibus, seipso atterere & consumere; illud Conradi Abbatis temporibus nostro etiam Monasterio evenisse comperimus: Erat hoc omni hostium metu solutum, & optatâ pace fruebatur; &, ecce tibi! Sinon aliquis ex Religiosis unus, si tamen Religiosum eum dicere fas sit, tantas turbas concitavit; ut Conradi Abbatis dignitas & Monasterii salus in præsentissimum adducerentur discrimen. Ex arrogantia hominis, supremam in Monasterio dignitatem ambientis, mala omnia proficiscebantur; Monachorum partem alteram suas

suas jam in partes pertraxerat, alterâ Conradum fideliter sequente. Hinc animis Religiosorum tam pernitosâ contentione distractis vix ullus religiosæ disciplinæ locus relinquebatur. Bona ab utraque parte jam vendita, jam pignori data, itâ distracta sunt, ut ad extremam Monasterium penuriam redactum fuerit. Eripuit brevì Deus ex tot tantisque Calamitatibus Conradum, elapso trimestri spatio vitâ functum, præter multa alia ob id singulari laude dignissimum, quòd Curiam in Stadel-Schwartzach emerit; Sinone interim ex Monasterio ejecto. Ejus temporibus statuente sic Ottone Episcopo Heripolensi Parochia nostra à Parochia oppidi Schwartzach separata est.

WALTHERUS II. ab Egloffstein,
ABBAS XXXI.

Compositis his tumultibus, Waltherum hujus nominis 2dum caput suum & Abbatem Religiosi designarunt anno 1342. 2do laudatissimi regiminis anno pridie Magdalæ Mœnus limites suos egressus sata lœta, boumque labores prostravit: